

白簡之靈書出於玄元之寶殿苦園祚延洪之兆示坤珍啓迪之符惟此休徵實為上瑞宣付史館頒示萬方乃咸通十三年壬辰之歲也鶴型老君像而山中土石相潭求訪極難夢青童告之曰賊東文所有土如聖可以用之求而果得塑太上之容侍衛凡八九身土無餘矣既成天儀燦然眸容伊穆月玄日角若載誕於瀾川雙柱三門疑表靈於相野洎潔齋以贊之則景氣融空奇光輝燦似聞笙磬絲竹之音咸以為休瑞昔桐柏初構天尊之堂有雲五色浮霽其上三井有異雲氣入堂復出者三書於國史以記符應清河崔尚碑文詳為此聖相殿亦自有記

楊開兒夢老君驗

成都楊開兒父母崇道常奉事老君精勤不怠開兒在軍伍中於金堂把截為敵人擒虜往南山寨中不被傷殺晝夜常念老君願拜見父母忽夢老君賜雲一朵令童子引之送於平地童子曰可以歸矣及覺已出山寨因得還家到家之日父母為其作百日齋矣

勾道崇鑄金老君驗

勾道崇常精奉老君願鑄白馬金像特所在供養欲備金三十兩猶闕二十兩每以為憂焚香之際輕風颯至飄一藥貼墜於其前初甚覺輕聞之乃金二十兩遂鑄老君像精巧端嚴逾於常制

楊文簡老君賜金驗

楊文簡錦竹人也世奉香火事老君而蠶農稍曠家道似窘一旦暴雨有老嫗避雨於其門持物授之曰苦李泉白永老人令將此簡來受之甚輕入手乃重發之乃真金也約千兩焉復訪老嫗不知所在乃知所說之狀即苦李泉老君也富及數世子孫善考創堂宇以答焉

道教靈驗記卷之七

道教靈驗記卷之八

廣成先生杜光庭集

天師靈驗

昭成觀天師驗

昭成觀壁畫天師歲月既深彩粉昏剝在通廊之下未嘗有香燈之薦頌政坊內居人姓李惠痞逾年皆不能愈日以羸瘦待時而已忽夢一道流長八九尺來至其前以大袖拂其面目之上頓覺清涼謂之曰自此較矣勿復憂也於是醒然疾愈稍能飲食洎晚策杖行繞其家不覺為倦但覺所夢道流猶在其前遂欲入昭成觀家人慮其困憊亦多止之不聽入觀於天師真前瞻視良久曰即所夢也拜禮數四乃召善夾紵塑人劉處士聖天師真改葺堂宇旦夕供養人所祈禱福祥立應其所塑夾紵真於夾紵內畫羅隔布內色縫絳絲為五臟腸胃喉龍十二結十二環與舌本相應藏內填五色香各依五藏兩數當心置水銀鏡一一精至與常塑不同其塑中土形移在天長觀金彩嚴飾亦皆靈應

2175 B 53

劉存希天師慎驗

彭城劉存希天師靈驗云自幼以來於唐興觀瞻禮天師發心圖寫供養因得絹本出入護持雖祇命遠行奉使南北未嘗一日開香火之薦黃巢犯關時在內署倉惶之際隨駕

不及唯捧天師慎持而行同伍三十餘人皆為虜捉或被殺傷獨於衆中得免將入南山夜深村落行次遇避難人偶語而聞妻在其間乃同往洋州大巖山深處結草寓居沈素無骨肉惟夫婦而已既免支離沈志林谷不復有名官之望野麋山鹿性已成矣山下居人以其口食不多時亦助其糧儲饋其鹽酪此外拾柏子焚香禮敬天師而已無何舊交宋開府入掌樞務知其在山之中強之使出錫以朱紱加以品位固辭不獲隨從從焉又駕出石門因便奔竄投涉城山中自匿數月有軍士搜山谷不得安居夫婦棄繯帛之夜夜行四十餘里出及平陸遙見馬軍十餘騎而面交至已擒虜行人數輩存希夫婦驚胎而立馬軍過其側似若不見由是得免

後數年奉使西川携天師慎而至余亦傳寫其本存希深山窮谷虎狼之中軍士紛擾白刃之下心常坦然若與數人憂懼之際隱隱然若侍立在天師之側亦有感降之事秘而不言

龍家樓上孫處士畫天師驗

成都觀街東壁富龍家樓臨大慈寺後門富春巷口會稽山處士孫遇嘗借而居焉每於樓上延接賓客而不敢止宿其上孫頗不信今僕使三二輩宿於樓中夜深皆故拖拽於地上如是數四問其僕後但云睡處已在樓下不知移拽之時亦無所苦孫處士自宿樓上夜深亦聞履履之聲若數人俱行雖呵咄之聲尚不已乃粉飾當梯壁一堵回寫天師真自奉香火由是樓中頓安可以獨寢積十餘年無復驚怖聞者皆異之泊樓為參謀太保李公師泰欲毀樓遷去余因請得此壁移置北帝院中矣

蜀州天師井驗

蜀州天師井在開元觀古老傳云天師自鶴

鳴山時乘鶴遊行止於此院或控鶴入井便歸山中故側近有馭鶴觀井傍有天師堂井上塑為巨鶴三年一淘井獲錢極多以資看大僧飾人有疾苦取水服之多效瘡癬以井水洗之即愈相傳靈驗遠近所知頃年亂離

後觀宇荒殘唯天師堂及井兼古跡楠木在焉有軍中人姓陳於觀側開耕水田引觀後渠水灌既修作堰埭乃取天師石井欄元是兩片所合併將渠內堰水功匠之徒皆言古跡極靈不敢措手陳自下手拆之令人移拽猶未了忽覺眼痛良久漸腫三五日中併喪兩目至今井欄兩片猶在水渠之中

陵州天師井驗

陵州天師井本傳云天師經行山中有十二玉女來謁天師願奉箕箒天師知其地下陰神也謂之曰汝等何以為獻將觀汝心厚薄選而納焉玉女各持一玉環徑皆數寸天師曰所獻一般不可併納吾化此十二環令作一環投之入地有得之者即納之焉遂合十二環為一大環徑餘一尺投於地中隨即深

陷已成井矣玉女皆脫衣入井以探玉環竟不能得天師取其衣藏石匱中玉女至今只在井內今陵州鹽井直下五百七十尺透兩重大石方及鹹水每羊一度淘洗其中須歌唱誼聒然後入井不然必見玉女解居井中見者多所不利井既深不可數入或經索斷損皮囊墜落唯於天師前炷香良久玉女自與挂之依舊不失頃半井屬東川有張填常侍主其監務於事稍怠鹽課不登大數千斤交替之後慮留填納未得解去替人素亦崇道因與度告天師云張填所欠之鹽家資已盡空此留滯益恐困窮於三五日內願借神力增加所出為其填納與張俱拜祈懇切自是每日所煎水數四十五函如常而鹽數羨益五六日內填之課足此後一如舊數無復增減矣十二玉女戌亥二人在天唯十人在井所煎鹽至戌亥二時亦歇天師初以地荒梗無人安居山川亦貧不可耕植化鹽井以救窮民民聚居井傍戶口日衆遂置州統之以天師名故曰陵州天師誓曰我所化

井以養貧民若官奪其利千年外井當陷矣今諸井皆有天師玉女之像焉

皇甫洽事天師驗

成都皇甫洽常崇玄教精奉香燈往來陵州園寫陵井天師真旦夕供養忽隣家疫疾洽僕使長幼患者十餘人唯洽祇奉公府之外每歸家必自給湯藥手供飲膳憂心既切不以爲勞亦昏然而寐當午夢童子一人進曰天師至矣如是即見天師素衣花冠仗劍而入於供養處取水碗執之先噴其身頓覺清暢次繞其居宅周市內外以水噴之置碗葉上而去自是十餘日一時平復近隣之家亦蒙安豫其家崇奉焚修至今不替天師降時停宿三日謂洽曰吾爲汝至誠天上得三刻假教汝即人間三日也又見天師令侍者電中及榮燥下并糞堆中各捉得兩鬼又一大鬼坐舍脊上脚垂至簷天師皆令擒送青城山中囚之天師以朱筆指之其鬼去如飛疾一家皆見之

李瓌夢天師驗

李瓌咸通中爲王府長史以勲貴之族不慣食貧居間力闢鬱鬱不得志中夜而寐夢入深山窮谷棧閣蒙折流水潺湲如此者不知其幾千百里又見關隴離運城闌爽塏飛守橫樓摩霄際日不知其幾千萬家縱神遊目熙熙自得又出郊向法岡原荒榛茂草小松巨木間以果林厠以筠篠山嶺危峭或行或平山迴逕盡抵一小郡茅棟橫臨路歇側傍有公署署內白氣騰天其大如屋中有悲歌號呼之聲見一青童引瓌即路躡危磴步石梯入門甚峻門內古樹芳草若古觀宇焉瓌素崇玄教頗爲慰悅俄而昇殿見像設尊儀笑而謂之曰爾來耶吾遲爾久矣入天門歎玄泉古人所修也注丹田存白元上士所修也混而合之子其行之陰功及人陰德濟物千百之家待子而字之勉哉勉哉在明年之春瓌再拜稽首受其言而覺是冬頻訴於宰執復希入用乃授陵州刺史之任時經歷山川郡邑神思敞悅皆如常所經行素未入蜀莫可知其由也至郡乃謁天師昇階及門

至于殿所觀真像侍衛屋宇布列醒然而悟乃叶其所夢矣乃以俸金修天師之堂加以丹牘立為銘碣誌其白氣屬天乃鹽井之所也悲歌之聲乃轉車之人也而內修之訣環未得之環即西平王孫也

### 邛州趙可言事天師驗

邛州趙可言尊師早年入道殊無所修因夢天師遂圖寫供養其性真直朴素言無有二人有休咎修禳疾苦祈請必問天師以擲筮為定可則往否則止故其所救人疾厄為人祝祈無不驗者是歲群僧凌侮道門因太守設大齋未前數日於閭里街開揚言曰西川諸道士一百餘人要於齋日論義聞勝而密雇村夫百餘人假製道衣欲臨時偽作諸州道士爾道流殊不知忍有人以此報可言方與道衆詳度虛實未有拒之之計可言曰此甚不難但令其修大齋不得即此事廢矣人或曰刺史修大齋節度使已許起日既定何可廢乎曰我自有人又曰一度拒之猶恐不可若終要修設又如何止之可言曰任其

十度部署終不許之此言定矣去齋二日之前街坊陳設遠近奔赴人士誼闌充塞廊井可言祝問天師說徑徑往白鶴山下火井潭邊立而呪祝若與人言語隔行數步却迴向潭語曰待我到舍即雨如是徑歸纔及其家雷

雨大作三日不絕齋乃移日至所定之日兩復如前五度改日及期皆雨雷電譁怒風拔林木陳設之具置立不得齋竟不成凡可言所行所為一依天師所命天師不許事皆無驗

### 謝貞見天師設符驗

謝貞者臨邛工人也善巧境而用意精確講鳴化天師修道老君感降之所上頂有上清古宮相傳云天師時所創歲月甚多而結構如新但瓦破壁壞而已貞備工為修泥之貞精研靈意境飾周寮有道流引二從者觀其功用神彩異常身逾九尺自門而入謂貞曰山中難值修葺頗堪用心以手畫地作一符使貞再三審記之曰此後有疾者雖千里之外行符必效勿多取錢但可資家給終身衣

食而貞記其符行之極效大獲金帛家書數豐鶴鳴諸山無天師真像陵州井中所塑又非世代子孫所傳之真貞忽於青城山遇峽中賈客修葺有天師小像供養乃是應見之真爾

### 劉方瀛天師靈驗

天台道士劉方瀛師事老君精修介潔早佩畢陸錄常以丹篆教人與同志弋陽縣今劉嗣按天師劔法以五月五日就弋陽葛溪鍊鋼造劔符禁水疾者登時即愈嘗於黃巖縣修齋教壇以救疫毒有見鬼巫者潛往跡之見鬼神數千奔北潰散如大陣崩敗一縣之疫數日而愈咸通末方瀛無疾而終戒其門人使與劔俱葬莫敢違之乾符中和間台州帥劉文下禪將李生領徒發其墳欲以取劔見其尸柔軀容色不變如醉臥而已顧眎其劔嚙乳有聲羣童驚懼卒不敢取李生命瘞之而去不獨劔之有靈劉方瀛亦陰景鍊形得道之流也

道教靈驗記卷之八